



VOL. XIII. NO. 1.

AUGUST 15, 1908.

50 cents a year.

Published Monthly, at St. Michaels, Fort Totten, P. O., N. Dakota.
ENTERED AS SECOND CLASS MATTER AT THE POST-OFFICE AT FORT TOTTEN, N. DAK.

OWANCAYA WOTANIN.

Fort Totten, N. D. en nina lica magaju šni, hecen taku ojupi owasin tanyelica icage šni.

DAKOTA OMNICIYE YUHAPI

Ft. Totten, July 13. — 1851 wokiye kagapi qon heon Mr. Maxwell qa Chase den hipi qa oyate Sisseton qa Wolipetonwan mazaska tawapi kin \$783,000.00 henakeca owicawapi yuſtanpi kinhan wicakicupi kta. Wabdeza Mc Laughlin owicaowa kin wanna den owicawa.

Ft. Totten, July 24. — North Dakota en mazaska awanyaka wanjina kin en mazaska tauinyan yanke cin opawinge yamni sanpa wikcemna ſakdogan sanpa yamni \$383.00 henakeca.

DADOTA KIN MAKOCE WA- ŠTEŠTE ICUPI.

Wakpala, S. D. July 20. — Mr. Gunderson Inyanbosdata oyate makoce wicakipamni kin ecana yuſtan kta qa wakanheja tona hekta,omaka en wicatonpi kin hena nahanlein maka wicakupi kta. Can makoce cikciqana kin hena osnismi qa canwape wanice kinhan hehan wicakupi kta. Dakota kin can makoce kin owasin icupi kta, hecen tokata waſicun kin can makoce iyohipi kte šni. Wicaſa yamni makoce kin iwan-yakapi kta makoce oiyawa kin he kagapi kta qa de. wi ſakpe eecen hehanyan ſkanpi kta. Q de tokata wetu kin betanhan econpi kta. Inyaabosdata maka

oko yuganpi kte cin he October 1, 1909 hehantu kta.

Makoce tankaya qa waſteſte yuganpi kta mazacanku anon-katanhan maka iyutapi ſakpe hehanyan Dakota qa waſicun cinca koicupi. Mr. Gunderson nahanlein winyan tona hinhnatonpi kin maga iyutapi (acres) 320 wicaqu kta, econſipi ſni tka he ape ate ſni, wanna makoce owasin kaſnili yanka.

Mc Intosh otonwe nakaha kagapi kin en mazaska tipi yuſtanpi anpetuwakan wanji heehan Dakota wan tokaheya en mazaska koktopawinge yamni eki-knaka.

Crow Creek, S. D. — Conkica-ksé en Thomas Lane, Ateyapi kin wicaſa maka tona wiyopeya-pi kte cin maga iyutapi 6919 (acres) August qa September wi kin henaos otkeyapi qa ateyapi kin wiyopeyin kta. Waſicun kin makoce kin opetonpi ſni, hecen Dakota kin wanjikji makoce kin waſakayena opetonpi ecee.

ŠUNKA WAN WITKOSA.

Chicago, Ill. Šunka wan, Bu-ster eciyapi, he wicaſa wan yuhe cin he wowapi wan kage qa cega wan en oknake qa mniwakan tipi ekta aye ſi ecee. Hecen wanna ecewakta. Yuhe cin en yanke ſni qe yaſ ſunka kin iye iſnana cega kin icu qa miniwakan tipi ekta i. Hecen minipiga ojuna okicaſtanpi unkan ſunka kin owasin yahepe qa witko kdi qa cega kin takuna en on ſni. Hecen wicaſa tiwahe en witko kdi ecee kinhan cinca kin iſeya econpi kta ſunka kin ee kaes econ.

ŠUNGMANITU KTE.

Mitchel, S. D. — Miss Hoe Gilbert dakota makoce en makoce icu qa en ti. Šungakanyotanka-pi onſpeiſiciya qa haſonta kaho-mnipi wayupika. Anpetu wan en tinta ekta ſungakanyanka omani unkan ſungmanitu wan wan-yaka qa ekuwa qa ſungmanitu kin upſija en iyaya qa kadopa. Haſonta ikikeu qa pa koyagya qa heyata aki qa mazakan ptece-na wan on kte.

CAPONKA ON KAKIŠYAPI.

New York, July 15. — Johnson mazopiye wan en wamanon wicaſa wan yuzapi qa he icunhan caponka tanka ota; hecen can wan en iyakaſkapi, qa ohde kiyuſdokapi qa onzoge kin iſ can-kpe iwankam yuksapi. Hecen caponka tanka kin tancan ataya apawipi qa hen nina wicota, qa okiyapi kta on nina pan yanke, qe yaſ tuwena okiye qa onſida okihi ſni. Ihinhanna kin en wawoyuspa wan hiyohi qa wico-kaſke ekta eyaya qe yaſ he icunhan wanna ſekinica. Wawoyuspe haſonta bapsake qa iye taohde on kiya, hehan nina iyuſkin on ceya, qe yaſ wicokaſke en aonataka.

Bottineau, N. D. — Hekta wi wanji heehan Sombra wowapi ojuu awanyaka ti ktepi. Tonjan-ku kiciſnana mazopiye en onpi. Unkan waſicun cinca nom, Jo-seph Peltier qa Charles Peltier, qa nakun Haſatonwan lica wan Sakeheweſunk eciyapi dena ya-mnipi en ipi; qa wowapi ojuu

awanyaka qa tonjanku kici'wi-caktepi. Hecen owasin mazopiye koya ideyapi. Yamnipi kin wica-kaſkapi, unkan waſicun cinca kin heneos haſatonwan lice kin hecon keyapi, qe yaſ iſeya haſa-towan lice cin, waſicun cinca kin henaos he econpi, keya. Hecen anonkatanhan iyakicionpapi. Tuwe econ tain ſni.

Gettysburgh, July 23. — Akici-ta oſpaya wakeya okna etipi. Hanhepi wihiyayena 10 hehan wakinyan aku, nina tate qa mini hinhan. Wakankdi kin nina hiyu qa wicaſa ſakpe wicakte. Wanji tancan kin owangya okicasdeca mina tanka on okicasdecapi kin hececa. Wakeya owasin kaſbog iyaya qa tona osmaka oſkokpa en tipi kin hena mini ojuna iyaya, hecen owasin paba etkiya nun-wan ihunnipi qa niſciyapi. Wico-ta kiunniwicaye hecen wayazan-ka tipi kin okan ſni.

Wicaſa wan woyatke tipi ekta tehanhan ecee on. Tawicu qa cinca kin hena tiyata token wotapi kin he tohinni awacin ſni. Anpetu wanji winyan kin he wakaſica qeya akaſipeton yuha woyatke tipi ekta i. Wicaſa ya-mni om yatkan yanke. Winyan kin hecen eya: "Jack okan ſni yaſkan kin heon tiyata wota ya-ku oyakili ſni, heon den wocica-hi ce, eya; hehan kdicu. Wicaſa iſa tka iyokipi ſni iſa. Kodawicaye cin om en iyotanka qa wa-kaſica akaſipetonpi kin yugan. Unkan wakaſica kin takuna okna on ſni qa wowapi ſka owapi wan en on, qa decen owapi. "Tiyata winyan qa cinca nitawa token wotapi kin iyecen niſ eya den iyuſkiniſciya wayate kta ce," eya owapi.

SINASAPA WOCEKIYE TAEYANPAHA.

REV. JEROME HUNT, O. S. B.

PUBLISHER and PROPRIETOR.

FORT TOTTEN. NORTH DAKOTA.

With the Approbation and
Blessing of Rt. Rev. John Shanley
D. D. Bishop of Fargo, N. Dakota.

AUGUST 15, 1908.

OMNICIYE TANKA NORTH DAKOTA.

Pahayamni, Standing Rock,
North Dakota en econpi.

Sinasapa omniciye tanka yu-
pi kin Shield P. O. N. D. Porcu-
pine Station, Pahayamni en Ju-
ly 7, 8 anpetu kin en wakeya opa-
winge nom etipi, qa Fort Totten
etanhan tona hemani okna yapi
kin hitayetu hehan ipi; qa hehan
July 8, hinhan wihiyayena na-
pcinwanka hehan Rev. Father
Bernard, O. S. B. Standing Rock,
N. D. etanhan wocekiye econ qa
Fort Totten, N. Dakota etanhan-
pi kin hena downpi, qa Mary
Strait canpakiza. Hehan July 8
wieokaya sanpa omniciye tanka
kin iyopta, qa Father Bernard,
tokaheya wowahokonkiye eya.

Hehan Matononpa, Cannon
Ball etanhan he wokdaka qa he-
cen eya: Hekta oyate kin ataya
wocekiye oyapapi qa okiditaya
yaşkanpi qa hehan en waon şni
e sdonayapi. Tka dehantu kin
wanna en waon qa ociciyapi kta.
Ho unkan he icunhan wocekiye
tawicolan kin etanhan oyate kin
ataya kuya iniyayapi ca wanda-
kape do. Ho unkan taku on he-
ceca kin he wicaşa itancanpi kin
wanjikji talcaskana kin iyecen
en niupi qa iapi waşteste on iyu-
tannianpi qa on omniciye kin
ihunke şni anianpi; hecen wana
oyate kin onkakiçiblezapi waşte
qa hekta oyate kin wocekiye en
tokehcın waşagya yaşkanpi qon
he iyecen şkanpo, kiktapo.

Joseph Tawacinhehomni Fort
Totten etanhan.—Talcaskana
iyecen wicaşa ota walibayena ia-
pi qa oie waştepi kin wicaşa ota
ihakta wicayapi qeşaş wicolan
kin hena ota wocekiye wicolan
kin etanhan şni, miniwakan yuha
şkanpi qa dakota wicolan yuha
şkanpi kin hena en oonpapi kte
şni; hena wocekiye wicolan heca
şni. Tka hena on wicatanca qa

wicanagi nonni içiyapi kin heca,
hecen hena en oonpapi kte şni,
hena detanhan oonpapi kte şni.
Suna Waanatan, Ft. Totten
etanhan—Onkicincapi kin hena
taku onspepi kin hena wicaonki-
yuşicapi kte şni, qa dakota wico-
lan kin ehaşninaecon onkayapi,
hecen detanhan aopten onkiçi-
yapi kta waşte.

Sinte-atinyan, Farm School
etanhan.—Omniciye tanka kin
de tukte econpi kte cinhan en
waon kta wacin ecee. Unkan
dehantu kin wocekiye wicaşa kin
ota en upi şni, qa eya hececa ge-
yaş hena wicaonkiksuyapi kta
waşte; qa miye kin omniciye tan-
ka en wai eca heon tawacin wa-
maşake seca, heon wicolan tokca
kin awaoncinpi şni waşte ka.

Wanbdiyuha, Standing Rock
etanhan.—Wocekiye kin de wi-
cawada kin hetanhan woecon to-
na wicaşa wakan econmaşipi kin
hena onmaspe şni eşa, winyan mi-
tawa qa micinca om owakihi kte
hcın. Ho unkan heon oahecenya
waon kin dehan sdonwakiya he-
on ito niş eya iyecen awacin
utapi, qa econ wacinpo. Tokşa
tohan owakaşnige cinhan hehan
ecamon kte ecinpi şni po; qaiş
wanna ocekiye kin heceknana
caş tanyan owakaşnige qa tanyan
onmaspe qon ecinpi şni po.

Ptegopecamato, Okalimi etan-
han.—Maka akan wowaşake kin
he Wakantanka tawa qa heon
wicaşa ni on kin hena iwanigla-
kin kta ca kage. Ho unkan mi-
ye wicolan wakan kin le tanyan
awacanmi şni na on taku iyama-
pa ca heon lehantu kin lecel
awacanmi yelo; omniciye tanka
kin le icionkaskapi kinhan he-
celonkiwaştepi kta iblukcan yelo.

Heliaka, Oak Creek etanhan—
North Dakota qa South Dakota
en omniciye tanka kin de Isan-
yati kin he niye kiduşpapi qa na-
hanhcın wicolan ota tanyan suta-
ya yakagapi şni tka hecanonpi qa
Isanyati kin wocekiye kin de ni-
ye tokaheya iyacupi qa ayaupe
do. Ho unkan ake dehantu kin
wowaci wan isakim ayaupi kin
heon wocekiye kin waşake şni
yayapi kin he niyepe do.

Rock Creek etanhan itancan
kin.—North Dakota en mazaska
awanyaka wanjila kin wanna to-
hanyan woecon luhapi hecinhan
solwaya wacin na South Dakota
en onqonpi kin he aiyopteya iyo-
onptapi kta ca hena nawalion na
hena wateca ongluhapi kta ca
heon wahi yelo.

Matoluta Şunksapapaha etan-
han.—Miye kin le wocekiye kin
le el opaspa migluze lo; ocekiye
kin ogna takuni onmaspe şni şka
John Howaşte wicolan kin le wa-
şte keya ca oinkpaya el owapelo.
Ho yunkan lehantu kin omniciye
tanka kin kiyuşpeya iyanke cin
le onkiwaştepi şni kecanmi yelo.
Ho hecel omniciye tanka kin le
icionkaskapi kta waşte ke lo.

Hehan omniciye tanka en itan-
can kin Miniaku tuwe taku eye
kta iyececa kinhan eye wicaşi.

Akicitanajin Standing Rock
etanhan.—Omniciye tanka kin
de en taku wanjigji on wakta on-
kiciyapi kta ca heon witaya on-
kupelo. Ho taku epin kte cin
wancag ees boweşdoşkin kte do.
Inyanşapasdatapi kin anokatan-
han Bishop wicaonyuhapi qa he-
na wicacaje kin wanna onma ota
kamna nacece do. Ho omniciye
tanka kin de owanjina onyuhapi
unkan wicolan wakan kin on wa-
econqonpi şni ca sdononkiyape
do. Ho tka wicacełpi towitan
kin he e eekiya yuha yaşkanpi
ca sdonyakiyapedo. Hecen token
onhunkapi şni eşaş kinonkanki-
ya onşkanpi kte do, womnaşe
kin hena koya owanjina kinhan
haken wacin ehapi kta ca heon
hehapedo. Montana ekta qa
itahena oyate onge onşıya onpe
do ca hena on onkişnana onşkan-
pi ktedo.

JULY 10, 1908.

Omniciye tanka wanjina qaiş
kinonkan kta on comittee wica-
kagapi qa hena token yuştanpi
kinhan hecetu kta wowaşke wi-
caqupi. Fort Totten, St. Mich-
ael's church etanhan, Ignatius
Court qa Henry Zitkanakoyake,
qa Ft. Totten, St. Jerome's
church, John Strait qa Bernard
Twohearts; Cannon Ball etan-
han, Wabacankaciqana qa Şun-
kaduta; Hanteşa omniciye etan-
han, Kangiwanagi qa Tatanka-
nonpa; Standing Rock etanhan,
Akicitanajin qa Frank Gates;
Pahayamni etanhan, Cetankoki-
papi qa Featherhawk; Farm
School etanhan, Joseph Şinzi qa
Wanbdiwatake; Oak Creek
etanhan, Heliakahowaşte qa
Apapi; Okalimi etanhan, Antoine
Cleymore qa Thomas Martin;
Rock Creek etanhan, Wanbliho-
kşila qa Ptanhaşina; Şunksapapa-
ha etan, Tatankaonjinca qa Ta-
şunkeluzahan. Dena isnana iyo-
tankapi, John Strait chairman
kagapi qa Ignatius Court Secre-

tary kagapi. Hehan chairman
inajin qa taku on committee wi-
cakagapi qa hen witaya iyotan-
kapi kin qa taku on wowiyukcan
kagapi kte cin owasin woope wa-
kan kin hena on econpi kinhan
hecen waşake kta, tka wicacełpi
on wowiyukcan kin heca onpi
kinhan iyecana waşake şni aye
kta keya. Qa Bernard Twohearts
cajeyate şi, qa hecen eya: State
owasin en Bishop onpi qa hena
tawapi qa onkiyepi kin nakun
tawaonyanpi, unkan state tokca
qa Bishop tokca ekta onkiçiçupi
hecen okihipica şni, hecen state
otoiyohi oiciyapi kinhan hee wa-
şte kta hecen wicawada.

Hehan Antoine Cleymore:—
Omaka iyohila omniciye tanka
wanjila kta ca hecen he wake
şni, tka omaka iyamni eca hen
eceena ake owanjila omniciye kta
hecel wake lo.

Ignatius Court:—Bishop wi-
cunyuhi kin iwicaonwangapi
qa hecetu keyapi kinhan hehan
econqonpi kta iye hena awaon-
yakapi kin heon.

Hena yamnikiya pazopi hehan
chairman kin on najin wicakiya
qa kinonkan kiya omniciye tanka
kte cin he yuştanpi.

Chairman, John Strait,
Secretary, Ignatius Court.

Mazaska awanyaka wanjina
kin en okiyapi kin hena wanna
piyapi kte cin iyehantu qa Stand-
ing Rock N. D. Baptist Pierre
akta on kta yuştanpi; Porcupine
Substation, Thomas White-
mouse akta on kta yuştanpi; qa
Cannon Ball, Kdeşakate teca
kagapi; Fort Totten, St. Mich-
ael's Joseph Matohi akta on kta
yuştanpi; Ft. Totten St. Je-
rome's church, John Strait akta
on kta yuştanpi; qa Padani, Ft.
Berthold etanhan tuwana hi şni,
hecen he piyapi okihipi şni.

Hehan omniciye tanka kin tu-
wa hiyohi hecinhan wanna iye-
hantu. Suna Waanatan, St.
Michael's church, Fort Totten,
etanhan omniciye tanka hiyohi
keya. Qa hehan Hdiwanka Can-
non Ball etanhan, omniciye tan-
ka hiyohi keya. Hecen he-
naos on najinpi qa St. Michael's
church, Fort Totten en ohiyapi.
Hecen tokata 1909 en omniciye
tanka yuhapi kta. Anpetu tu-
kte en omniciye kte cin he yu-
ştanpi şni, qeşaş Bishop of N.
Dakota kin tokahe onahon on-
yanpi qa hehan anpetu tukte etu
kte cin he yuotaninpi kta, hecen
tona Eyanpaha kin iyacupi ecee
kin hena tanyan ayabdezapi kta.

JULY 10, 1908.

Mazaškanškan 9 hehan Rev. Father Bernard, O. S. B. wicaniagi on wocekiye econ qa wicokaya sanpa hehan omniciye econpi qa Father Bernard hecen eya: Eyanpaha nina oyakiyapi kta wašte qa hehan makoce onkitawapi kin en wakankiciyuzapi yujupupi kin nina econpi heon omniciye tanka etanhan wosukiye wanji kagapi kta onlapi kta iyecetu. Qa hehan miniwakan yatkešni okolakiciye kin le el onkablezapi kta wašte, qa tohan omniciye tanka kte cinhan, delegates onkagapi kta qa yewicunšipi kta. John Strait iye wanna omaka nonpa hecen econ qa iye nina tanyan sdonya, St. Paul ekta omniciye tanka yuhapi kin heon nakun iwoyhlakapi kta wašte.

Ignatius Court Ft. Totten etanhan.—Wicašta wanji anpetu ataya ltani kinhan, taku yušan kta okihi. Tka anpetu ataya den onyakonpi tka takuna onyušanpi šni ecen wanna wi mahen iya ye kta, hecen wanna wicašta to na woyahdakapi kin owasin kansu cona kin on inihunkapi šni kehapi qa nakun woškate onma kin owasin en ikipajinyan škanpi kin heon wašte šni, qa nakun Inyanbosdata oniyatepi kin owasin wanna he yacinpi šni kehapi hecen he wanna itancan kin yušan onkiyapi kta wakida, qa wana najinpi kta. Unkan Inyanbosdata oyate kin inajinpi kta cinpi šni; hecen kansu cona yašicapi kin wowicake onpi šni kin tanin lica. Hecen ito wanna piya awaoncinpi kta. Kansu cona kin he Dakota tawoecon wan heca; qa wašicun tawicolhan ce eye pica šni. Unkan wocekiye opapi lica cin otapi dakotapi lica qeyaš, Wakantanka tawosukiye kin ijehan kiksuya onpi qa on wicaša obe tokca qa is oyate tokca wan wanyakapi qeyaš owasin kodayapi lica cin iyecen wacin kiyuzapi ecee, qa anpetuwakan kin owasin tipiwakan ekta yapi kta on lityetu kin heehanna wiyeya onpi ecee. Ho tka he icunhan kansu cona kin iseya hen wiyeya on qa makata ilpeniciye qa ohomayada kinhan dena owasin nitawa kta ce, eya maka akan wowitan kin owasin wicakipazo ecee, qa taku duha kin owasin ituya ilpeyaye cinhan maka akan oyate en nišnana yaon kta ce qa trunkašinayanpi heya keyapi. Dakota

kin wašicun po, eya keyapi qeyaš ecen ecanon kte šni nihan šni taku duha kin hena ilpeyayapi kta ce, eya. Qa wicaša to na tonkanšinyanpi wowaši wicaye qa wi iyohi wiš wicaqu kin hena iyotan kansu cona kin sutaya wicayuz, qa taoyatepi kin he icunhan caje wicayaonihanpi kta cinpi kin on nina winawizi ota aya; qa on wope wakan wan on oyate wicayuwaste kte cin aktonš ayapi qa on woakipa šiksica wanyakapi qeyaš tohinni wankdakapi okihi šni; wicaceli kin towitan kin imnaičiyapi kta cinpi kin he on ištogonge wicaya ecee; wacajeyad dowan omanipi qa heon wipi ičiyapi kta cinpi ecee. Tuwe išta wašte qa nape nonpin wašte qa hu nonpin wašte kinhan hecon kta okihi šni. Wayawa omniciye qon owasin kansu cona wicakte qa owaci tipi ecen wacajeyad dowan omanipi.

Mrs. Oyenakbeza, Porcupine Station etanhan.—Winyan onšika hemaca qa on omniciye kin de tukte tanhan icage cin hetanhan en waon qa on nahančin tohinni dakota mikduze qa wawaci šniye. Unkan Miniwakan en oyate yaonpi kin niye tokaheya omniciye kin de duicagapi qa onkiš eya econ onyašipi, canke econqonpe. Unkan dehan ake wowaci kin nina duicagapi qa ake nina econ onyayape.

Mrs. Standing Soldier, Standing Rock etanhan.—Wi akenom winyan omniciye itancan makagapi qa anpetu kin dehanyan yugoya wahihunniye omniciye kin iyopte wayin kte lica qa winyan conana om omniciye ecamon ecee, qa anpetu kin de oyate wicitan taku epin kta iyemacece šni kecanmi tka anpetu kin oyate nitokam inawajin qa wowakdake cin on icante mawašte. Qa hehan bdoketu cokaya kin de wocekiye oonpapina qon owasin kansu cona kin ahionkasotapi qa miš miye kin hetanhan tawacin en wowicada bluha kecanmi qon wašake šni wahiyu we; heon etanhan omniciye tanka wanjina ehapi kin hecetu kinhan wocekiye oonpapi qon owasin onkatakunipi kta šni ye. Iapi dena wowicake lica tiwahe owasin en dowankiyapi yuhapi, qa hena owasin kansu cona dowankiyapi ecee. Hecen iyepi, cincapi koya tawacin wicayutokca lica. Wicaša tiwahe tawa kin en miniwakan yatkesa wanji on kinhan, iye qa

cinca koya wicayusi ecee. Hecen dowankiyapi tiwahe en yuhapi kta cirhan wocekiye odowan heca ecee ahiyaye kiyapi kinhan iye qa tawicu qa cinca hena onspepi qa iwaštepi kta. Wicaceli kin he woniya kin inawizi qa woniya kin is wicaceli kin inawizi; hecen henaos anonkatanhan kicizapi. Ho unkan onma tukte oyakiyapi kinhan on nina gipi kin wiconi yuha kta hecinhan he awaoncinpi kta wašteka. Wicaceli kin he oyakiye cinhan on ninagi ni kta he? Qa is woniya kin he oyakiye cinhan on ninagi ni kta he? Ho wanna kalinigapo.

Wakpala, S. D. Okahmi etanhan winyan omniciye itancan.—Onnagipi onnapi kte cin heon wocekiye oonpapi qa Inyanconkaške en Bishop wahokononkiyapi qa wocekiye ogna ecela igluha onšipi. Unkan dehan wicaša en wowitan kin hee lila awacinpi kin le onkayuštanpi kta wašteka; qa onkicincapi kin hena wocekiye ogna icagapi kta wan hee lila awaoncinpi kta wašte.

Nakun winyan wanjikji woldakapi tka tate qa tanin šni.

Wakantanka Gnayanpi Kin.

Ehanni wicašawakan iyuha wamakaškan iyecel šicaya wicakuwapi na wicaktepi. Qeyaš wicašawakan wanji tehan nalimala wowaši econ, qeyaš tohinni šlolyapišni; ltani wicaša igluza heon. Unkan winyan wan hecel eya; "Tokša oblu spin kta ce, eya. Wicaša mitawa kin owinja ogna iwankin kta na he wanna tin kta ce, unkeyapi, na wicašawakan unkiyapi kta qa icunhan canksa yuha kin nom iyapepi kta, na el u kinhan onkoyuspapi kta ce, eya. Na wanna hingnaku kin owinja el iyunka, qa inalni wicaša wakan kico yewicaši, hecen inalni kico ipi. Hecel wicaša wakan wanna hi na wicaša owinja ogna wanke cin kici woglaka cin, tka ayutpe šni; hecel nape el yuza qeyaš nape lila šni. Wicašawakan hecel eya: Tokaca ehanni miyecopi šni he? eya. Unkan winyan kin lila ilaša na canksa yuha kin wanna hiyu wicaši; na wicaša owinja el iwanke ecegnala ša, canke owasin tansak šapi. Hehan wicašawakan kin tokel ničiyin kta hecel napa na kigla.

Hecel wicašawakan wicagnayanpi kinhan Wakantanka kakiš wicaya ecee.

WOGLAKAPI WAKAN KIN.

Wicaša wakan itancan wanji Galera eciyapi, wanna waniyetu wikcemna nalcinyunka na on etanhan lila hunkešni. Anpetu wan el wakan woglakin kta cin ca hecel wicašawakan wanji kico. Tipiwakan el ya okihi tka wanna wicala ca heon iyokipi šni. Canpagmian wan lila wašte tipiwakan ekta hi na wicašawakan hiyohipi cinpi. Qeyaš wicašawakan wicala šni. Otelike lo. "Iyomawaja šni yelo," eye. Itancan wakan woglakin kta cin ehantans, Wakantanka ekta yin kta iyececa šni yelo. Iye itancan Wakantanka el u kte lo." Hecel kiglapi na itancan okiyakapi. Wicala qeyaš igluhukul ičiya tipiwakan el hi yelo.—Unlakotapi letanhan woonspe wan onkicupi wašte ka tka. Tohanyan unkomanipi unkiyapi, unkiye pi wicaša wakan ekta unyanpi kta iyececa. Tohan unkomanipi šni hehan Wakantanka untipi, šica ešaš, el u kte lo.

Ehanni Bishop wanji St. John wicakuja eciyapi, walpanicipi lila tanyan wicakuwa, heon etanhan wicaša ota wocekiye hipi šni, tankal inajinpi na iwašicunpi. Heon St. John lila cantešica. Anpetu wakan wanji St. John nakun owacekiye el ye šni. Tankal najin na wicaša lila wanwicayaka. "Hetokeca huwo?" eya. Bishop unkitawapi wocekiye ye šni na lel najin yelo. "Eya mitakuyepi," eya, "talcaškala mitawa tukte unpi kin miš nakun el waun kta wacin." Inalini owacekiye timahel iyayapi.

YUTAPI WAKAN ICUPI KIN.

Wicaša wan Yutapi wakan icu, na hecel inalni kigle. St. Philip Neri he wanyaka na inalni hokšila nonpa, petijajan ska yuhapi, kici ye wicaši. Ekta iyayapi na wicaša iatab yapi. Tona he wanyakapi kin, lila yušinyeyapi. Wicaša iyelica tansak ša. "Letaku huwo?" iwicawungapi. St. Philip hecel econ onšipi eya ayuptape lo. Hektakiya iyaye na St. Philip iyunga. "Eya cinkš, Wakantanka nitanmahel luha ca bluonihan wacin. Tohan icinonpa Yutapiwakan iyacu kinhan, owacekiye timahel tehan waceyakiy in kta iyececa ye lo, eyelo.

WAKANWOHDAKAPI ECİYATANHAN.

Jerusalem ekta mini wan wan-ka, qa he tohan iyehantu eca Wakantanka taohnihde wan kun hi qa mini kin he yuškanskan ecee; qa hecece kin he econhan tuwe tokaheya oiyoipeya eca woyazan owasin akisni ecee.

Tancan niyazan kin he iyecen nagi kin ija niyazan kinhan, qa woaltani nitawa kin nagiyeniye qa ksuweniye kinhan, taku on oniwašte kta oyade kinhan—Bde wan on anisni kta e sdonyaya, mini śni, tuka Jesus Wanikiya we kin hee, ohnihde e malpiya eciyatanhan hi śni, tuka Jesus iyelica hen yanke qa anisniye kta cin, qa we tawa on niyujaja kta cin, qa ninagi woiyopeičiye on, Wakantanka kokipapi kin on, qa wowaštedaka kin on canteso-sopisece kinhan, ninagipi kin etanhan woaltani owasin yujajapi, qa nakun woaltani nitawa kin we iyecen śa ešta, ninagi kin wa iyecen ska kta.

Jesus, Wanikiya we tawa kin on ska kta, heconqonpi śni kinhan hena on wakanśica ti kin en owihanke wanin onkakijapi kta. Jesus te qehan wicašta nom itanonk otkepi, unkan onman woaltani akiciktonjapi kta da, qa woaltani on iyopeičiya heon malpiyata i, onman nagi ekta ewakecin śni, tuka tancan eceena nikiye wacin kin he wakanśica ti ekta i.

Wowapi wakan en winyan wan nina śica, qa he ayušan kta cin, woaltani ota econ kin hena owasin on canteśica; qa nagi on nagiyeičiya qa hecin: Jesus wašte qa wowaonśida qa token okihi oyate kin owasin owicakiya, qa walitanipisa kin ob wohdaka ecee, qa heya: “Walitanisa wanjina woaltani ayušan kinhan, malpiya ekta wowiyuśkin tanka kta.” Decen winyan kin awacin on iwaditagya, qa oyate kin takeyapi kte čeyas toka kiye śni, qa Jesus wicašta wijica ti en hi qa wota yukanpi kin econhan tin iyaya, Jesus isiha kin en kun elipeičiye, siha kin iputaka, qa woaltani akiceye qa akiktonjapi kta da. Jesus ayuta qa heya: “Wookiye en ya wo, woaltani nicipajujupi.” Hecen cantewašteya kinhda qa iyuškinyan on qa iyuskinyan řa.

Woaltani owasin kicipajujupi keyapi kin heon nina iyuśkin. Unkini is hecanni: Haw, Jesus i kin etanhan woaltani nicipaju-

jupi eya nawahon kinhan, mija ibduśkin kta qa micante en wookiye bduhe kta. Wakantanka maka akan on qehan wanna omaka 1900 wicašta owasin walitanipisa ko waštewicadaka sdonyaye śni he? He Wakantanka tacincana tawa, maka etanhan woaltani icu kin ee. Israel oyate kin eceena niwicaye kta on makata hi śni, tuka oyate owasin maka oihanke kte cin hehanyan oyate kin niwicaye kta cin.

Jesus wocekiye wan kaga qa hen walitanisa tona woaltani on canteśidičiyaqa owoanna on wacinpi kin woaltani wicakicipajujupi, Jesus Iyelica wicitokab najin heya: “Cantewašte wo, woaltani owasin nicipajujupi.”

Ito, wicašta wan wicohan wan nina śica econ, wicašta wan ti wicakte naceca, kinhan ohinni iyoyake kte, qa oziičiye, qa wookiye iyeye okihi śni; hececa wan ičiču qa ihdaške kta ičiču yukan. Is śiyaka wicao ca tohanyan napope śni kin hehanyan nina wicayazan śni, qa owicakizi ecee. Cinca wayutakuni śni qon taku śica econ qon owasin atkuku okiyaka: Zacheus wamanon keya taniyan ohdaka Mary Magdalen ti ojuna en woaltani ohdake kte ištece śni; qa wamanon wan Jesus etapatanhan otke qon woaltani ota econ kin on etanhan hecakiconpica iyecece, keya. St. Paul nakun Jesus Christ en walitani tanka, keya; qa naknu Judas Iscariot wośna kagapi en wicai qa wicawe wiyaonpepica śni wiyopeya, keya.

Wakantanka wicašta tokaheya Adam woaltani ohdag kiya: “Can telinda kin etanhan yata he?” Nakun Kain wohdag kiya. “Tukte nisunka ee he?” Wakan-tanka wicašta wokcan Nathan, David ekta yeśi qa woaltani ohdag kiya. Walitanisa owasin woaltani ohdakapi kta Wakantanka cin, nagiyeičiye wicayaya qa woaltani ohdakapi kinhan wokicanpte iyeyapi kta.

Woaltanisa wan woaltani on canteśiničiye qa ohdake kinhan awicakehan Wakantanka akiciktonja hecinhan sdonya cin, qa sdonya eca iyuśkin qa cante wašte.

Wicašta řa iyohakam woaltani kicipajujupi kinhan sdonye kta, tuka dehan, ni on econhan sdonye kta cin.

Jesus Iye tancan kin ohinni

unkicupi kta cin, tuka cante ska-ya woaltani cona unkicupi kta cin; woaltani wan yuha unkicupi kinhan Jesus tancan qa we kin on onyacopi kta. Anpetu owasin waonltanipi, hecen token Wakantanka woaltani onkicipajujupi kin sdononyanpi kta hwo? Jesus heon iwanyaka. St. John tawowapi wašte wicowoyake 20, Jesus malpiya ekta hde śni itokam Jesus awicaniya qa heya: “Woniya Wakan kin icu po! Ate umaśi kin he iyecen miś yeciśipi; tuwe woaltani ayeciktonjapi kinhan, he akiktonjapi kta, qa tuwe ayecinicapi kinhan he akinicapi kta.” Taokiye kin woaltani pajujupi kta wowaśaka wicaqu. Iye econ qon iyececa. Taokiye wowaśake wicaqu qon he hduha řa pi śni. Tohan śinasapa wicayuwakanpi eca de wowaśake kin wicaqupi ecee, tuktekten kečeyas maka oihanke śni kin hehanyan. Ate umaśi kin he iyecen yeciśipi, woaltani wicawecicajuju kin iyecen ecanonpi kta. Qa tohan walitanisa wan cante śiničiye kinhan woaltani kicipajujupi, hecen Yutapiwakan icu okihi, ecin nagi kin en woaltani on řape śni; hecen nakun kokipe śni ře qa wacyaco itokam inajin kte cin kokipe kte śni. Tuwe woaltani ohdake cin ohakam Wakantanka cante wašteya qa iyuškinyan ecee, owasin kicipajujupi kin sdonkiya heon hececa.

Woaltani on cante onśicapi kinhan qa onkohdakapi kinhan, Ateyapi caje kin on woaltani onkicipajujupi. Jesus wiyacinpi onkokiyakapi qon, cinca wayutakuni śni wan atkuku ekta hdi qehan wowiyuśkin kaga, heyake wašte on kiyapi, ikiyena tipi kin wicakico qa ob iyuśkin, cinca tokalian qon iyeyapi he iyecen walitanisa wanjina woaltani ayušan kinhan, he tokalian tuka iyeyapi heon Ateyapi malpiya ekta yanke cin iyuśkin kta.

Cinhintku caje kin on woaltani nicicajujupi kta. Woaltani ota ecanon ešta nicicajujupi kta, on cante niśice ehantanhanś. De owapi e wandaka. We on owapi qa susbeca wakan kin on yutanpi. Wanikiya celipi kin akan owapi, celipi yuhdeldecapi qa kasaksakapi kin on, qa otkeyapi, oyate walitanipi kin owasin on kakije kin wanonyakapi kta on; cansusbeca akan wankantuya otke. Owapi kin akan taku zaptan on natakapi, řaśa on

natakapi kin he zaptankiya tao-pi kin hena ee. Heon etanhan Jeremias, wicašta wokcan kin heya: “Wowapi wan wankan otkeyapi kta, taku zaptan on natakapi. He Wakantanka Tacincana tawa, maka etanhan woaltani icu kte cin ee.”

Woniya Wakan caje kin on woaltani nicipajujupi kta. Tohan wicatančan kin řa eca wicašta kin takuna wanyake śni, siha kin mani śni, isto kin yuškanskan śni, ceji kin on ie okihi śni, qa ecana śicamna kta, wicalapi ecee, wabduna kin apawipi ecee.

Wicanagi nakun ře kta okihi, wicašta wan woaltani tankinkinyan econ kinhan, nagi kin he řa; nagi kin he Wakantanka itokam śica qa śicamna; wicašta hececa tohinni cekiyapi śni, maka toaltani kin eceena on iyokipi iči-yapi ecee.

Tuka tohan Woniya Wakan caje kin on woaltani kicipajujupi kinhan, nagi kin ake niyanpi. Woniya Wakan kin hecon ecee. Tohan wiconi teca nagi kin en on eca, hehan, Wakantanka awacin kta iyokipi, wocekiye waštedaka, cantewašte ecee, cantewašteya wawiyutanye owasin kipa-jin, qa wowiyuśkin tanka qa wookiye nagi kin en iyaye ecee.

TEHAN NI ON.

Makoce owancaya akan wicašta wan ni kin isnana waniyetu ota naceca. Andrew Schmidt eciyapi kin, waniyetu 136, dehan St. Petersburg, Russia ekta ni on. Omaka 1772 hehan tonpi, 1796 hetanhan akicita opa. omaka 105 henakeca okicize owasin opeya on. Dehan nahanlici tanyan on qa istamaza cona wowapi yawa okihi.

Anpetu otoiyohi wicašta 900 ecen tunkansinayapi tipi wanyag ipi ce.

CROW HILL.

August 2, St. Joseph okodakiye mazaska \$10.00 womnaye en elipeya.

Mazaska awanyaka wanjina wanna ataya mazaska \$391.00

ROSEBUD CONGRESS.

It is now the 10th day of August; we have been waiting for an account of the Rosebud Congress, but up to date nothing has arrived. We cannot wait any longer, but we must finish the paper and send it off.